

乾隆大藏經



國立中央圖書館出版品預行編目資料

乾隆大藏經／〔傳正有限公司編輯部編〕——初版

1997〔民86〕面；19公分x26公分

ISBN 957-97227-1-4（一套：精裝）

藏經——168冊

8608110003

內政部製版權登記核准文號

台(86)內著字第(8614611)
(8616761)
(8618003)

乾隆大藏經

（豪華精裝本）
全套一六八冊

編著處：	本公司編輯部
出版處：	寶印佛經流通處
地址：	彰化市中山路二段九六四號一三樓（B棟）
電話：	（〇二）八九九一—九一三九 （〇四）七二六—七四〇〇
傳真：	（〇二）八九九一—八〇三三
郵政劃撥：	〇五五九九五〇—一七 郭秀蘭
承印處：	福峰彩色印刷有限公司
電話：	（〇二）二九八二—〇九五六

一九九七年十二月出版

◎佛教是佛陀對九法界眾生至善圓滿的教育。

◎釋迦四十九年所說的一切經，內容就是說明宇宙人生的真相。人生就是自己，宇宙就是我們生活的環境。

◎知覺名佛菩薩，不覺名凡夫。

◎修行就是將我們對宇宙人生錯誤的看法、想法、說法、做法，加以修正。

◎佛教的修行綱領是覺正淨。覺而不迷，正而不邪，淨而不染。並依戒定慧三學，以求達到此目標。

◎修學的基礎是三福，待人依六和，處世修六度，遵普賢願，歸心淨土。佛之教化能事畢矣。

御製

佛光恩照三千大千
恒沙法界普度衆生
身心安泰年時豐稔
日月升恒乾坤清寧
上下樂利中外協和
萬善圓成情與無情
大清雍正十三年四月初八日
隨緣徧滿
悉證菩提
風雨調順
百昌蕃熾
庶物咸亨
同登正覺

此土著述(毛)

第 167 冊

一五・一六六七 御選語錄四〇卷(一至四〇)

清世宗御錄

(林一—林十、皋一—皋十、幸一—幸十、即一—即十)

御製總序(林一)	二	序(林一)	六
總目錄(林一)	七	卷一(林一)	九
卷二(林二)	二一	卷三(林三)	三七
卷四(林四)	六二	卷五(林五)	八三
卷六(林六)	一〇二	卷七(林七)	一二九
卷八(林八)	一五六	卷九(林九)	一八一
卷一〇(林十)	二一〇	卷一一(皋一)	二二一
卷一二(皋二)	二四〇	卷一三(皋三)	二五八
卷一四(皋四)	二八五	卷一五(皋五)	三一〇
卷一六(皋六)	三三四	卷一七(皋七)	三五九
卷一八(皋八)	三七九	卷一九(皋九)	三九六
卷二〇(皋十)	四二一	卷二一(幸一)	四四九
卷二二(幸二)	四六七	卷二三(幸三)	四八九
卷二四(幸四)	五一一	卷二五(幸五)	五二九
卷二六(幸六)	五五〇	卷二七(幸七)	五七二
卷二八(幸八)	五九四	卷二九(幸九)	六一八
卷三〇(幸十)	六三六	卷三一(即一)	六五七

卷三二(即二)	六八二	卷三三(即三)	六九九
卷三四(即四)	七一五	卷三五(即五)	七三一
卷三六(即六)	七五三	卷三七(即七)	七七九
卷三八(即八)	八〇三	卷三九(即九)	八二六
卷四〇(即十)	八五二	御製後序(即十)	八六八

52/167

御選語錄



清刻龍藏佛說法變相圖

御製總序

林一

如來正法眼藏教外別傳實有透三關之理
是真語者是寔語者不妄語者不誑語者有
志於道之人則須勤叅力究由一而三步步
皆有着落非可顚預函胡自欺欺人俟既深
明此事不惜話墮逐一指明夫學人初登解
脫之門乍釋業繫之苦覺山河大地十方虛
空並皆消殞不爲從上古錐舌頭之所瞞識
得現在七尺之軀不過地水火風自然徹底
清淨不挂一絲是則名爲初步破叅前後際
斷者破本叅後乃知山者山河者河大地者
大地十方虛空者十方虛空地水火風者地
水火風乃至無明者無明煩惱者煩惱色聲
香味觸法者色聲香味觸法盡是本分皆是
菩提無一物非我身無一物是我已境智融

通色空無礙獲大自在常住不動是則名爲
 透重關名爲大死大活者透重關後家舍即
 在途中途中不離家舍明頭也合暗頭也合
 寂即是照照即是寂行斯住斯體斯用斯空
 斯有斯古斯今斯無生故長生無滅故不滅
 如斯惺惺行履無明執著自然消落方能踏
 末後一關雖云透三關而實無透者不過如
 來如是我亦如是從茲方修無修證無證妙
 覺普明圓照法界一爲無量無量爲一大中
 現小小中現大坐微塵裏轉大法輪於一毫
 端現寶王刹救拔衆生利用無盡佛佛祖祖
 皆爲此一大事因緣出現於世達摩西來歷
 代授受古德傳燈無盡光中大圓鏡裏日往
 月來以至於今雖然廣大法門聖凡並托華
 嚴香海細鉅同歸得骨得髓者固多如麻如

栗者何限去聖遙遠魔外益繁不達佛心妄
 參祖席金山泥封慧日雲蔽約其訛謬亦有
 三端其上者纔見根塵互引法界相生意識
 紛飛無非幻妄頓生歡喜謂是真常休去歇
 去以空爲空不知性海無邊化城無住果能
 見性當下無心心既見空即未見性於是形
 同槁木心等死灰萬有到前一空不敵縱能
 立亡坐脫仍是業識精魂况乃固執斷見必
 至變作狂華謂因果之皆空恣猖狂而不返
 豈非一妄在心恒沙生滅能不造生死業斷
 菩提根又其下者見得個昭昭靈靈便謂是
 無位真人面門出入揚著瞬目豎指擎拳作
 識神之活計張日下之孤燈寶魚目爲明珠
 覓旃檀於糞土噉著鐵丸口稱玉液到得臘
 盡歲除時方知依舊是個茫茫無據又其下

林

二

者從經教語錄中挂取葛藤從諸方舉揚處拾人涕唾發狂亂之知見翳於自心立幻化之色聲作爲實法向真如境上鼓動心機於無脫法中自生繫縛魔形難拚遁歸圓相之中解路莫通躲向藤條之下情塵積滯識浪奔催瞞已瞞人欺心欺佛全是爲名爲利却來說妙說元盲驢牽盲驢沿磨盤而遠轉癡夢證癡夢拈漆桶爲瓣香是則循覺路而撲火輪能不由善因而招惡果如是三者實繁有徒宗旨不明沉淪浩劫矣朕膺元后父母之任並非開堂秉拂之人欲期民物之安惟循周孔之轍所以御極以來十年未談禪宗但念人天慧命佛祖別傳拚雙趺拖地以悟衆生留無上金丹以起枯朽豈得任彼邪魔瞎其正眼鼓諸塗毒滅盡妙心朕實有不得

不言不忍不言者近於幾暇辨味淄澠隨意所如閱從上古錐語錄中擇提持向上直指真宗者並擷其至言手爲刪輯曰僧肇曰永嘉曰寒山曰拾得曰溫山曰仰山曰趙州曰永明曰雲門曰雪竇曰圓悟曰玉林十二禪師藏外之書曰紫陽真人乃不數月之功編次成集者其他披覽未周即採掇未及非曰此外無可取也是數大善知識寔皆窮微洞本究旨通宗深契摩詰不二之門曹溪一味之旨能使未見者得無見之妙見未聞者入不聞之妙聞未知者徹無知之正知未解者成無解之大解此是人天眼目無上宗乘至於淨土法門雖與禪宗似無交涉但念佛何礙叅禪果其深達性海之禪人淨業正可以兼修於焉隨喜真如圓證妙果雲棲蓮池大

師梵行清淨乃曾參悟有得者閱其雲棲法
彙一書見論雖未及數善知識之洞徹然非
不具正知正見如著相執有者之可比擬亦
採其要語別爲一卷以附於後兼此淨土一
門使未了證者建菩提道場已了證者爲妙
覺果海途路之助爰爲總序弁於篇端刊示
來今嘉惠後學庶幾因指見月得魚忘筌破
外道之昏蒙奪小乘之芟弁朕有厚望焉

雍正癸丑四月朔日

御製序

漢明帝時佛法始入中國盛於晉宋間遠公其殊勝者也向傳泥洹宗旨由遠公而始聞於此土然觀蓮社高賢傳中所載遠公之語遠公固非洞明泥洹宗旨者徒聞其說耳僧肇與遠公同時晉有遠公秦有僧肇言淨土者推遠公言講經者推僧肇宗徒皆視為小乘謂是菩提達摩以前時人震旦未聞教外別傳之旨不得入祖席焉朕閱肇法師所作般若無知涅槃無名空有不遷形山秘寶諸論非深明宗旨何能了了如斯以此講經正是不立文字諸佛慧命奚隔封疆有何今古豈得謂菩提達摩未來以前震旦無宗旨哉故刪輯其要文序而刊行之學者勿於長江一葦慈嶺隻履邊目起狂華則知菩提達摩

林一

五

見梁武時無所從來遇宋雲時亦無所去也
雍正十一年癸丑四月望日

御選語錄總目

卷一之二

大智圓正聖僧肇法師

卷三

洞明妙智永嘉覺禪師

卷四

妙覺普度和聖寒山居士

圓覺慈度合聖拾得大士

卷五

靈覺大圓滌山祐禪師

真證通智仰山寂禪師

卷六

圓證直指真際趙州諗禪師

卷七

慈雲匡真弘明雲門偃禪師

卷八之九

妙圓正修智覺永明壽禪師

卷十

大慈圓通禪仙紫陽真人

卷十一之十二

正智明覺雪竇顯禪師

卷十三之十五

明宗真覺圓悟勤禪師

卷十六之十八

大覺普濟能仁玉琳琇國師

林一

六

明道正覺苾芻溪森禪師

卷十九之二十一

和碩雍親王圓明居士

圓明百問

上諭二道

卷二十二之二十四 外集

雲棲蓮池大師

卷二十五之三十 前集

歷代禪師

卷三十一之四十 後集

歷代禪師

御選語錄卷第一

大智圓正聖僧肇法師論

肇論序

慧達率愚序長安釋僧肇法師所作宗本不
遷等四論曰有美若人超語兼默標本則句

林一

七

句深達佛心明末則言言備通衆教達猥生
天幸逢此正音每至披尋不勝手舞誓願生
生盡命弘述夫神道不形心敏難繪聊寄一
序請俟來哲蓋大分深義厥號本無故建言
宗旨標乎實相開空法道莫逾真俗所以次
釋二諦顯佛教門但圓正之因無尚般若至
極之果唯有涅槃故末啓重元明衆聖之所
宅雖以性空擬本無本可稱語本絕言非心
行處然則不遷當俗俗則不生不真爲真真
但名說若能崇茲一道無言二諦斯則靜照

之功著故般若無知無名之德興而涅槃不
稱余謂此說周圓罄佛淵海浩博無涯窮法
體相洪論第一肇公其人矣

傳燈錄載僧肇在姚秦問大辟師乞七日
假著寶藏論畢臨刑時說偈曰四大元無
主五陰本來空將頭臨白刃猶似斬春風
然此偈非肇所作也肇爲鳩摩羅什高弟
秦王姚興命入逍遙園助什詳定經論尊
禮有加十六國春秋僧肇傳云以姚秦弘
始十六年卒於長安時晉義熙十年也况
典刑之人豈有給假著論之理則肇法師
之以吉祥滅度信矣事旣子虛偈非師作
蓋訛傳焉

肇論

宗本義

本無實相法性性空緣會一義耳何則一切諸法緣會而生緣會而生則未生無有緣離則滅如其真有有則無滅以此而推故知雖

林二

八

今現有有而性常自空性常自空故謂之性空性空故故曰法性法性如是故曰實相實相自無非推之使無故名本無言不有不無者不如如有見常見之有邪見斷見之無耳若以有爲有則以無爲無有既不有則無無也夫不存無以觀法者可謂識法實相矣是謂雖觀有而無所取相然則法相爲無相之相聖人之心爲住無所住矣三乘等觀性空而得道也性空者謂諸法實相也見法實相故云正觀若其異者便爲邪觀設二乘不見此

理則顛倒也是以三乘觀法無異但心有大小爲差耳漚和般若者大慧之稱也諸法實相謂之般若能不形證漚和功也適化衆生謂之漚和不染塵累般若力也然則般若之門觀空漚和之門涉有涉有未始迷虛故常處有而不染不厭有而觀空故觀空而不證是謂一念之力權慧具矣好思歷然可解泥洹盡諦者直結盡而已則生死永滅故謂盡耳無復別有一盡處耳

物不遷論第一

杜二

九

夫生死交謝寒暑迭遷有物流動人之常情余則謂之不然何者放光云法無去來無動轉者尋夫不動之作豈釋動以求靜必求靜於諸動必求靜於諸動故雖動而常靜不釋動以求靜故雖靜而不離動然則動靜未始

異而惑者不同緣使真言滯於競辯宗途屈於好異所以靜躁之極未易言也何者夫談真則逆俗順俗則違真違真故迷性而莫返逆俗故言淡而無味緣使中人未分於存亡下士撫掌而弗顧近而不可知者其唯物性乎然不能自己聊復寄心於動靜之際豈曰必然試論之曰道行云諸法本無所從來去亦無所至中觀云觀方知彼去去者不知方斯皆即動而求靜以知物不遷明矣夫人之所謂動者以昔物不至今故曰動而非靜我之所謂靜者亦以昔物不至今故曰靜而非動動而非靜以其不來靜而非動以其不去然則所造未嘗異所見未嘗同逆之所謂塞順之所謂通苟得其道復何滯哉傷夫人情之惑也久矣目對真而莫覺既知徃物而不

來而謂今物而可徃徃物既不來今物何所徃何則求向物於向於向未嘗無責向物於今於今未嘗有於今未嘗有以明物不來於向未嘗無故知物不去覆而求今今亦不往是謂昔物自在昔不從今以至昔今物自在今不從昔以至今故仲尼曰回也見新交臂非故如此則物不相徃來明矣既無往返之微朕有何物而可動乎然則旋嵐偃嶽而常靜江河競注而不流野馬飄鼓而不動日月歷天而不周復何怪哉噫聖人有言曰人命逝速速於川流是以聲聞悟非常以成道緣覺覺緣離以即真苟萬動而非化豈尋化以階道覆尋聖言微隱難測若動而靜似去而留可以神會難以事求是以言去不必去閑人之常想稱住不必住釋人之所謂徃耳豈